

—এটিতে লৌকিক ব্যাপারের উপর ব্যাকরণশাস্ত্রের ব্যবহার আরোপিত হয়েছে। উক্তিটি দ্রৌপদীর প্রতি যুধিষ্ঠিরের।

(xx) “পীতবাস বড় ভাপিত, দেখিলাম উদর স্ফীত—
উদরী সন্দেহ তাতে নাই।

হয় বা বঁধুর প্রাণদণ্ড, পথ্য তাতে মানখণ্ড
ব্যবস্থা হয়েছে ওগো রাই ॥

আছে যেন প্রস্তুত ঘরে, শীঘ্র মান চূর্ণ ক’রে
অগ্রে দাও...।” —দাশরথি।

—এখানে লৌকিকের উপর আয়ুর্বেদশাস্ত্রের ব্যবহার আরোপিত হয়েছে। মানিনী রাধার প্রতি সখীর উক্তি। বাধার দুর্জয় মানের ফলে দুঃসহ বিরহতাপে তপ্ত কৃষ্ণ, ঘন ঘন দীর্ঘশ্বাসে তাঁর পেট উঠছে ফুলে ফুলে ; অবস্থা শোচনীয়, কৃষ্ণ বাঁচেন কিনা সন্দেহ। রাধা মান বর্জন করলেই কিন্তু সব ঠিক হ’য়ে যায়। সখী রাধাকে এই কথাই বলছেন।

লক্ষণীয় যে ‘মান’ আর ‘মানখণ্ড’ কথা দুটিতে রয়েছে শব্দশ্রেণ্য আর রয়েছে ‘ভাপিত’ আর ‘উদরী’তে। জরযুক্ত উদরীরোগে আয়ুর্বেদীয় ব্যবস্থা ‘মানখণ্ড’ (সত্যই একটা ওষুধের নাম) ; কৃষ্ণপক্ষে, বিরহতাপ আর দীর্ঘশ্বাসে উদর-স্ফীতিরও প্রতীকারের উপায় ‘মানখণ্ড’ অর্থাৎ রাধাকর্তৃক আপন মানের খণ্ডন (বর্জন)।

এইবার একটি অতিসুন্দর উদাহরণ দিচ্ছি সংস্কৃত থেকে—

(xxi) ‘নয়ন-সীমার বাহিরে তাহার বাসা,
পরশিতে তাবে পারেনি কখনো ভাষা,
উপমান তার কিছু নাই এ নিখিলে,
অর্থে তাহার আভাসও কভু না মিলে,
প্রমাণবিহীন সংবিৎ-ঘন নিত্যানন্দময়
পরম সত্তা—তরুণীর তমুলাবণ্য জয় জয় !’ —শ. চ.

(‘অলঙ্কারসর্বস্ব’র “সীমানং ন জগাম যৎ নয়নয়োঃ.....লাবণ্যং জয়তি
প্রমাণরহিতং চেতশ্চমৎকারকম্ ॥” কবিতার অলুবাদ।)

—এখানে লৌকিক বস্তু (‘তরুণীর তমুলাবণ্য’) উপর বেদান্তের
ব্যবহার আরোপিত : ‘নয়ন’ থেকে ‘সত্তা’ পর্য্যন্ত ব্রহ্মস্বরূপকথা।

সংস্কৃতে আর দুটি প্রকারভেদ আছে—শাস্ত্রীয় বস্তু উপর শাস্ত্রীয় বস্তু

ব্যবহার-আরোপ আর শাস্ত্রীয় বস্তুর উপর লৌকিক বস্তুর ব্যবহার-আরোপ।
বাঙলায় এহুটি নিম্নয়োজন—অনেক অহুসন্ধান ক'রেও উদাহরণ পেলাম না।

আগে বলেছি, 'ব্যবহার' কথাটার অর্থ শুধু 'আচরণ' 'স্বভাব' ইত্যাদির মধ্যেই সীমাবদ্ধ নয়। তার নিদর্শন দেখা গেল (খ) শ্রেণীর উদাহরণগুলিতে।
শাস্ত্রীয় বস্তুর ব্যবহার-আরোপ মানে, প্রকৃতপক্ষে, শাস্ত্রীয় পরিভাষার (technicalities) আরোপ। এই শ্রেণীর সমাসোক্তির Personification বা Pathetic Fallacy-র সঙ্গে কোনো মিল নাই। কিন্তু (ক) শ্রেণীর সমাসোক্তির পাশ্চাত্য Figure-হুটির সঙ্গে সর্বাংশে না হ'লেও বহুলাংশে মিল রয়েছে। Pathetic Fallacy-র সংজ্ঞা হ'ল attribution of human emotion to inanimate objects (অপ্রাণীর উপর মানবীয় অহুতবের আরোপ)। আমাদের (ক) শ্রেণীর (xvi) আর (xviii) উদাহরণহুটির ("কার এত দিব্যজ্ঞান..." আর "সুন্দরী...") প্রথমটিতে নারীর উপর inanimate লতার ব্যবহার এবং দ্বিতীয়টিতে আধুনিক মানুষের উপর পৌরাণিক মানুষের অলৌকিক ব্যবহার আরোপিত হয়েছে। পাশ্চাত্যমতে এহুটি Metaphor-এর উদাহরণ।

'Pathetic Fallacy' নামটা Ruskin-এর সৃষ্টি—সত্যকথা বলতে গেলে অপসৃষ্টি। ভাবাবেগে কবিদের যখন "reason is unhinged" তখন ঝাপসা চোখে তারা প্রকৃতির রাজ্যে যা কিছু দেখে সব 'false' অর্থাৎ fallacious। এইহেতু Ruskin এর নাম দিলেন Pathetic Fallacy। 'Reason'-কে 'hinged' রাখলে Art হয় না, Arithmetic হয়।

এই Pathetic Fallacy-জাতীয় সমাসোক্তিই রবীন্দ্রনাথের বহু অতু্যৎকৃষ্ট কবিতার আত্মা—'বলাকা'র কবিতা, বৃক্ষবন্দনা ইত্যাদি ইত্যাদি স্মরণীয়।

১৩। অতিশয়োক্তি

উপমার চরম পরিণতি অতিশয়োক্তিতে। সাধারণ ধর্মের ভিত্তিতে হুই বিজাতীয় বস্তুর সজাতীয় হ'য়ে ওঠা উপমাজাতীয় সকল অলঙ্কারেরই সাধারণ লক্ষণ। সাদৃশ্যাত্মক অলঙ্কার উপমায় যাত্রা আরম্ভ ক'রে চলতে থাকে অতিশয়োক্তির দিকে লক্ষ্য রেখে—ওইখানেই তার যাত্রাসিদ্ধি। হুই বিজাতীয় বস্তুর সজাতীয়তাসাধনের অর্থ বিসদৃশের মধ্যে সাদৃশ্যের প্রতিষ্ঠা। এই সাদৃশ্যের নামান্তর সাম্য, সাধর্ম্য, ঔপম্য। সাম্য-প্রতিষ্ঠা করা যায় নানাভাবে—

একপ্রান্তে আংশিক, অন্যপ্রান্তে সম্পূর্ণ, মাঝখানের স্তরগুলি প্রান্তিক বৈশিষ্ট্য-
হুটির নানানতর যোগে বিভাগে আলোছায়ায় বিচিত্র। সাম্যপ্রতিষ্ঠার এই
প্রকারভেদে অলঙ্কারের নামভেদ। জাতিতে এক হ'লেও ব্যক্তিরূপে এরা
উপমা, ব্যতিরেক, রূপক, অপহুতি, অতিশয়োক্তি (এবং আরও কত কি)।

যতীন্দ্রনাথ সেনগুপ্তের একটি কবিতা থেকে পূর্ণোপমার একটি উদাহরণ
নিয়ে তাকে অঙ্কুর রেখে এবং প্রয়োজনমতো রূপান্তরিত ক'রে সাম্যপ্রতিষ্ঠার
কয়েকটি প্রকারভেদ দেখাতে চেষ্টা করি :

(i) পূর্ণোপমা—“দূরে বালুচরে কাঁপিছে রোদ্র কিঁঝির পাখার মত।”

—রোদ্র আর কিঁঝিপোকায় পাখনা হুটি সম্পূর্ণ বিভিন্ন বস্তু। এই
বিভিন্নতা বজায় রেখে মাত্র ক্রিয়াগত সাধারণ ধর্ম ‘কাঁপিছে’-র ভিত্তিতে বস্তুহুটি
যথাক্রমে উপমেয়-উপমানরূপে অভিন্ন হ'য়ে গেছে। আপন স্বাতন্ত্র্য কেউ
হারায় নাই, যেহেতু চোখ পড়ছে হুটিরই উপর, এবং সমানভাবে। অভিন্ন
অথচ ভিন্ন উপমেয় উপমান—ব্র্যাকেটে ফাস্ট হওয়া হুটি পরীক্ষার্থীর মতন।
এ যেন গোড়ীয় বৈষ্ণবের অচিন্ত্য ভেদাভেদের বৈতর্কিত। উপমেয় উপমানে
ভেদ এবং অভেদ দুইই তুল্যমূল্য (“সাধর্ম্যম্ উপমা ভেদে”—মন্ত্রট;
“ধ্বয়োঃ (ভেদাভেদয়োঃ) তুল্যম্”—রুণ্যক)।

(i) ব্যতিরেক—‘দূরে বালুচরে রোদ কাঁপে থর’ থর’,
কিঁঝির পাখার চেয়ে সে তীব্রতর।’

—উপমান কিঁঝির পাখা কল্পনধর্মে হার মেনেছে উপমেয় রোদ্রের কাছে।
রয়েছে হুটিই; কিন্তু দৃষ্টিটা বেশী ক'রে আকর্ষণ করছে ‘রোদ’। কল্পনধর্ম
হ্রস্বে থাকে সঘেও তার তারতম্য ঘটায় উপমেয় উৎকৃষ্ট, উপমান নিকৃষ্ট
হ'য়ে ভেদটাকেই বড়ো ক'রে তুলেছে। ব্যতিরেক ভেদপ্রধান অলঙ্কার।

(iii) রূপক—‘দূরে বালুচরে কাঁপে থর’থরে রোদ্র-ঝিল্লীপাখা।’

—আগে বলেছি যে কল্পন-ক্রিয়াটি উপমেয় উপমানের সাধারণ ধর্ম।
আলোচ্যমান রূপটিতে ‘কাঁপে’ আকারে সে বর্তমান রয়েছে। এই কারণে
‘রোদ্র-ঝিল্লীপাখা’-কে উপমিত কর্মধারয় সমাস বললে ভুল হবে—এ সমাসে
সাধারণ ধর্মের (‘সামান্তে’র) প্রয়োগ নিষিদ্ধ (“উপমিতং ব্যাভ্রাদিভিঃ
সামান্তাপ্রয়োগে”—পাণিনি)। সমাস এখানে রূপক কর্মধারয়, যাতে
সাধারণ ধর্ম হয় উপমানের অন্তর্গত—‘কাঁপে’ রোদ্র নয়, ঝিল্লীপাখা।
এই কথাটি মূল্যবান। রোদ্রের উপর ঝিল্লীপাখা অভেদে আরোপিত হওয়ায়
উপমেয় রোদ্র নিষ্ক্রিয়, উপমান ঝিল্লীপাখা সক্রিয়। কিন্তু নিষ্ক্রিয় হ'লেও

রৌদ্রের অস্তিত্ব-লোপ ঘটে নাই, ঝিল্লীপাথার আড়ালে তাকে দেখা যাচ্ছে। অভেদ তাই পরিপূর্ণ হ'তে পারে নাই। এই কারণেই বলা হয় রূপক অভেদ-প্রধান অলঙ্কার, অভেদ-সর্বস্ব নয়।

(iv) অপহৃত্তি—‘দূরে বালুচরে রৌদ্র নয় সে, কাপিছে ঝিঁঝির পাখা।’

—উপমেয় রৌদ্রকে অস্বীকার ক'রে একেবারে নেপথ্যে ঠেলে দেওয়া হয়েছে এবং মঞ্চে উজ্জ্বলভাবে দাঁড় করানো হয়েছে উপমান ঝিঁঝির পাখাকে। এখানেও রূপকের মতন অভেদ-আরোপ; পার্থক্য শুধু এই যে ভেদটাকে অসম্ভব ক'রে তোলা হয়েছে উপমেয়কে অস্বীকারের দ্বারা, যা রূপকে হয় না। এই কারণে অভেদের মাত্রাটা রূপকের চেয়ে বেশী। কিন্তু অস্বীকৃত বস্তু নানামোহিতের মধ্যেই কিঞ্চিৎ স্বীকৃতি প্রচ্ছন্ন থাকে; বস্তুটি গোণ হ'য়ে যায়, মিথ্যা হয় না।

অভেদ সম্পূর্ণ হয় তখনই, যখন উপমান উপমেয়কে গ্রাস ক'রে নিঃশেষে আত্মসাৎ ক'রে ফেলে। এই গ্রাসেব আলঙ্কারিক নাম ‘নিগরণ’। এ কাজ সুসিদ্ধ করে—

—২।

(v) অতিশয়োক্তি—‘বোশেখা হুপ'রে দূরে বালুচরে কাপিছে
ঝিঁঝির পাখা।’

—অভেদ সম্পূর্ণ হ'য়ে গেছে উপমান ঝিঁঝির পাখা উপমেয়কে উদরসাৎ ক'রে স্বয়ং একমেব অধিতীয়ম্ হ'য়ে ওঠায়।

পূর্ণপমার স্বাভাবিক চরম বিবর্ত রূপ অতিশয়োক্তি, প্রথমেই এই কথা ব'লে বর্তমান আলোচনা আরম্ভ করেছি। এখন তা প্রতিপন্ন হ'য়ে গেল। দেখলাম, যে-অভেদ উপমায় ছিল আংশিক, অতিশয়োক্তিতে সে হ'ল পূর্ণ।

একটা প্রশ্ন এখানে অনিবার্যভাবে জেগে ওঠে :

সাদৃশ্যক অলঙ্কারে বড়ো কে? উপমেয়? না, উপমান? রূপক অপহৃত্তি ইত্যাদিতে প্রাধান্য লাভ করতে কবতে এসে উপমান অতিশয়োক্তিতে হ'য়ে উঠল উপমেয়-গ্রাসী। তবে কি উপমানের আসন উপমেয়ের উর্দ্ধে? উপমেয় ‘প্রকৃত’—কবির মূল বর্ণনীয় বিষয়, অপরিহার্য। উপমান ‘অপ্রকৃত’, শুধু অলঙ্কারেই তার প্রয়োজনীয়তা, অতথ্য সে অনাবশ্যক। উপমেয় মুখ্য, উপমান গৌণ। গৌণ এসে মুখ্যকে গ্রাস করবে, অপ্রকৃত করবে প্রকৃতের উচ্ছেদ, কবির অভীপ্সা এই নাকি?

আপাতদৃষ্টিতে তাই মনে হয় বটে। কিন্তু বড়ো উপমেয়, উপমান নয়। উপমান উপমেয়কে বতই আপন বর্ণারঞ্জেনে স্ব-রূপে রূপায়িত করুক, তাকে

অপহুব ক'রে শিছনে ঠেলে দিয়ে স্বয়ং সামনে এসে দাঁড়াক, অথবা তাকে নিঃশেষে গ্রাস ক'রে নিজে নিষ্কণ্টক সাম্রাজ্য প্রতিষ্ঠা করুক, তবু উপমেয়েরই আজ্ঞাবহ উপমান ; যতই নিজস্ব মহিমা এই উপমানের থাকুক না কেন, এ হ'ল প্রবরনূপ এবং এর সিদ্ধি হ'ল আপন মুকুটমণির মরীচিচয়ে সার্বভৌম উপমেয়ের চরণ চর্চিত করায়। উপমানের স্থান উপমেয়ের পদ-তলে, “লক্ষ্মীর চরণশায়ী পদ্মের মতন”।

উপমানের চরম মহিমা অতিশয়োক্তিতে—উপমেয়ের এখানে সর্বগ্রাস। কিন্তু ‘গ্রাস’ মানে উপমেয়ের অস্তিত্বলোপ নয়, তাকে অপ্ৰকাশ রেখে ব্যঞ্জনায় তারই স্ফুটতর প্রকাশসাধন। রৌদ্রের নামগন্ধ না ক'রে কি'বির পাখাকে যতই কাপাই না কেন, দ্রুতকম্পিত স্বচ্ছপাখায় বোশেখী ছুপূরে বালুচরে মরীচিকার আশ্চর্যসুন্দর স্বপ্নমোহময় বিলিমিলিই দেখতে পাই মানসনয়নে। সাদৃশ্যাত্মক অলঙ্কারমাত্রই উপমেয়েরই প্রাধান্য। **সৌন্দর্যের দিক্ থেকে উপমেয়ের অনন্ত লক্ষ্যাবনা। চোখকে ধরা যাক উদাহরণস্বরূপে।** চোখের গড়ন, বিস্তার, সাদা অংশ, কালো তারা, পাতা, তার প্রান্তের রোম, ভুরু, টানা চোখ, ভাসা-ভাসা চোখ, ফালা চোখ, সোজা বাঁকা আধবাঁকা চাহনি, তারাকে একেবারে কোণায় ঠেলে দেওয়া চাহনি, তার ওপর প্রসন্ন বিষণ্ণ, স্থির, চঞ্চল, হাসিমাখা, জলভরা, স্নিগ্ধ, জ্বালাময় শাস্ত ক্লাস্ত কুষ্ঠ হুষ্ঠ পলে পলে নুতন ভঙ্গীর চাহনি— এই তো চোখের সামান্য একটু পরিচয়। এমন উপমান স্বর্গে মর্ত্যে রসাতলে কোথাও নাই যা চোখের পাশে এসে দাঁড়াবে সর্বাংশে তার সমধর্মী হ'য়ে। চোখ তার আপন মহিমার এক একটি অণুকণাকে উজ্জ্বল ক'রে দেখাবার জন্ত ডাকবে সম্ভবকে, যাকেই সে যোগ্য ব'লে ভাববে—পদ্মের পাপড়ি, হরিণ, খঞ্জন, তোমরা, আঙুন, বর্শা, আলো, অন্ধকার, কেসর, বিহ্যৎ, চাঁদের কিরণ, কেউটে সাপ, ধলুক, অমৃত, বিষ, ছুরি, বাণ, লতা, অরুণ, কামান (“কামিনীর কমনীয় কটাক্ষের পর আর বড় কামানের প্রয়োজন নাই”—বঙ্কিমচন্দ্র), জবা, পটোল ইত্যাদি। এত সব উপমান এসেও যার অস্ত্র পায় না, সেই উপমেয়ের চেয়ে উপমান বড়ো হ'য়ে যাবে একি সম্ভব ? ‘উপমেয় যেখানে উপমানের চেয়ে নিকৃষ্ট হ'য়ে যায়, সেখানেও হয় ব্যতিরেক অলঙ্কার’, বলেছেন রুদ্রট। মশমটভট্ট বলছেন, কি অসঙ্গত কথা। ‘ব্যতিরেক’ মানে আধিক্য (প্রাধান্য, উৎকর্ষ) এবং এ আধিক্য উপমেয়ের [(“উপমেয়স্ত ব্যতিরেকঃ আধিক্যম্।...উপমানস্ত উপমেয়াৎ আধিক্যম্ ইতি কেনচিৎ যৎ উক্তম্, তৎ অব্যক্তম্”)]। গোবিন্দঠাকুর তাঁর কাব্যপ্রদীপে বলছেন, উপমানের উৎকর্ষে ব্যতিরেক হয় এই যে কথটা